


KANPO MERKATARITZA

EAEko esportazioak inoizko altuenak izan ziren lehen sei hilekoan

Atzerriko esportazio guztien bilakaera


Urte bakoitzeko lehenengo sei hilekoa. Milioi euroak



Atzerriarekiko kanpo merkataritzaren datuek oso emaitza positiboa eskaini dute 2018ko lehen sei hilekoan. Hain zuzen ere, EAEko esportazio guztien balioak 12.949 milioi euroko langa gaitzitu zuen, aurrekaririk gabeko zenbakia baita. Zifra hori aurreko urteko epe berean lortutakoa baino %8,4 handiagoa da. Beste aldetik, inportazioen kopurua 9.940 milioi eurora iritsi zen. Kopuru hori 2008ko lehen sei hilekoan bakarrik gaitzitu zuen, garai hartan 10.753 milioi euro inportatu zirelako. Mugimendu horien ondorioz, EAEko kanpo merkataritzak 3.009 milioi euroko saldoa utzi zuen, aurreko urteko lehen sei hilekoetan eskuratutakoa baino 465,1 milioi euro gehiago direlarik.


Inportazioak guztira

Lehen sei hilekoa. Milioi euroak



Saldoa guztira


Lehen sei hilekoa. Milioi euroak



Merkataritza saldoaren hobekuntza esportazioaren egituraren bi multzo nagusietan oinarritu zen: energiaren atalean eta energiaren bestelakoan. Azken hori 324 milioi eurotan igo zen 2017an lortutako kopuruaren aldean eta 2013an jaso zuen maximora hurbildu zen. Esportazioen une positiboa azaltzeko adierazi behar da metal arrunten salmenta 3.047 milioi eurotik gorakoa izan zela eta ekipamendurako ondasunena, berriz, 6.233 milioi eurokoa. Bi kasuetan, inoizko zenbakirik gorenak lortu dira.


Energiaren bestelako saldoa

Lehen sei hilabeteak. Milioi euro.



Saldo energetikoa

Lehen sei hilabeteak. Milioi euro.



Beste aldetik, energiaren saldoa, negatiboa izaten baita normalean, zertxobait gutxitu zen 2018ko lehen sei hilabeteetan, petrolioaren salneurria nazioarteko merkatuetan garestitze garrantzitsua izan zuen arren. Saldo hori hobetu bazen ere, EAEko eragileen mendeotasun energetikoa oraindik oso handia da. Hain zuzen ere, EAEko enpresek atzerriatik inportatzen duten guztiaren ia %30 energiaren produktua da.

Esportazioen helburuari dagokionez, EB15 izan zen berriro EAEko eragileen bezero nagusia, saldu zen guztizkoaren %58,3 hara joan baitzen. Alemania izan zen herrialde hartzaile behinena. Hain zuzen ere, herrialde hartan saldutakoa %9,1 handitu zen. Ondoren, Frantzia agertzen da, non esportazioak %6,1 areagotu baitziren. Bi herrialde horiek ibilgailu automobilak eta metal arruntak erosten dituzte bereziki. Esportazioen hirugarren helburua AEBak dira, bertan %30,4ko igoera harrigarria eskuratu zen. Neurri batean, makinak eta tresnen salmentak azaltzen du igoera hori.

Esportazio guztiak. Banaketa

Lehen sei hilabeteak. Ehunekoak

